

靈寶無量度人上品妙經卷之三十一 黃一

長生久視品

道言昔於始青天中朱景瓊明洞真化土天際有大玄樂天號曰長生中有帝君號長生大帝君丹瓊之宮絳霄玉宸之闕紫雲繚繞黃霧苾芬帝藏寶室山川林木煙霞風露皆作晴虹頽靄之色仙宮神吏僚佐書史以億萬計而此天中東連東蒙之宮紫極之天明真之臺希琳之殿西接協宸之宮耀景之天寶靈之臺太和之殿天垂清微九光之雲以

爲承覆聳海霞碧瑤之氣以結凡席廓然輝
耀諸天之中號爲極樂

元始天尊當說是經開示長生久視大法元
始即於始青天中五色獅子座上遙存瓊明
天際大玄樂天中長生大帝君以其元始上

美一

帝元胄之長福德充備付囑長生大帝君令
爲十方天人一切衆生說此長生久視轉凡
成聖之要長生大帝君默感元始玄密之旨
即從座起敕命左右侍真天官僕射侍經典
者香官玉童玉女一切部屬無量天人及諸

靈寶无量度人上品妙經

仙衆來詣朱景玄洞延康南和之殿無上大
法疊玉之座子丹靈童升扶希之樓擊斑龍
雷音之鼓閻洞玉女升霽虛雙景之樓叩黃
庭九絕神金之鐘聖衆大集普天同悅長生
大帝君將演妙法周回十過以召十方始當
詣座天真大神上聖高尊妙行真人無鞅數
衆乘空而來自然妙氣流光沖霄八照圓象
洞煥景耀播蓋輿輦九色合成萬種分輝千
真交影龍鳳結彩山水流形本無窒礙隱顯
靡常宮殿臺殿音樂法具持幢建節泛景乘

煙境瑩晨華土成文玉衆真侍座長生帝君
玄坐空浮九轉七變赤精紅蓮之座說經一
遍紫虛回映天籙字生說經二遍玉京吐晶
變化千億說經三遍道空內易徹見祖源說
經四遍神顯真形羣類長生說經五遍玉帝
啓緘寶符永命說經六遍琪林嘯風宛成虛
梵說經七遍靈潢湛清黛海同色說經八遍
日月合輝絳霧飄香說經九遍道運無窮天
壽長生說經十遍熒芝成盤甘露敷空是時
一國是男是女莫不傾心皆受護度咸得長

生

道言是時長生帝君說經一遍東方無極無
量品長生大神無鞅之衆浮空而至說經二
遍南方無極無量品長生大神無鞅之衆浮
空而至說經三遍西方無極無量品長生大
神無鞅之衆浮空而至說經四遍北方無極
無量品長生大神無鞅之衆浮空而至說經
五遍東北無極無量品長生大神無鞅之衆
浮空而至說經六遍東南無極無量品長生
大神無鞅之衆浮空而至說經七遍西南無

極無量品長生大神無鞅之衆浮空而至說
經八遍西北無極無量品長生大神無鞅之
衆浮空而至說經九遍上方無極無量品長
生大神無鞅之衆浮空而至說經十遍下方
無極無量品長生大神無鞅之衆浮空而至
十遍周竟十方無極長生大神一時同至一
國男女傾心歸仰來者有如萬山出雲千江
湧浪轟雷震海無鞅之衆遍諸天界壓疊國
畿非可禁止於是長生大帝君舉手南嚮於
此空中化出百億寶光一一寶光有諸世界

一世界百千樓閣或依山水林木岡阜或
近都邑谿畔樵野見有仙衆飛身步空水火
激射乘龍按轡遊眇神州駕鳳梯雲倏歛騫
逸圍繞太息渴佇法言覲度此生見長生道
脫離法網超悟真階得悟大乘盡忘習染長
生大帝君登引天真大神上聖高尊紫虛真
人十方无極長生久視大神俱登神境之中
天人仰看聖集傾依徹見道根本無變滅元
始一炁能得之者浩劫無終內視五體外觀
萬象日月齊照無有已期長生則道本無生

生而不滅久視則邈然無視洞照三清求生
於死死化爲生久視於无无極爲有潛精內
息默觀自然無生死中妄有生死生死流轉
不能止者以視不久也久視則定定照則真
境自現八十一天洞如指掌衆生所以不得
長生久視者以刑尅敗絕其氣有無真妄其
心心著生死則形亦隨化心與道一一與神
冥守神忘心生道長久太微玉符續生和形
使氣無害九仙玄籙使視久而徹徹則見道
道來現形與子相守長生寶符使道性不遷

遺心抱神神變無方十方世界八景妙空一
得長生自然久視浮沉萬象應時消殞惟見
長生大帝君無量境界無邊法身無窮惠用
无極變化一時出現如同眉睫一切天人悟
此大法乘雲駕龍來往空洞視十方太空如

英一

四

一黍米仙真教化應世權實超證玉清位登
真極說經都竟衆真受度作證於我當此之
時喜慶難言法事粗悉諸天復位倏歛之間
寂無遺響是時天人遇值經法普得濟度長
生久視與道同居傾土歸仰咸住輪轉無生

無死無壯無老無疾無衰無苦無滅無作無
爲言無戾中口無惡聲齊同慈愛異骨成親
國安民豐忻樂太平經始出教一國以道預
有至心宗奉禮敬皆得度世

道言長生大帝君說經中所言並是諸天上

帝內名隱韻之音亦是長生大帝君內諱百
靈之隱名也非世之常辭上聖已成真人通
玄究微能悉其章誦之十過諸天遙唱萬帝
設禮三景順行五行不尅道炁自然長久不
終久視无極河海淵凝山嶽崇深日月降精

璇璣煥明羣魔束形鬼精滅爽道在無爲保
命無傾至學之士誦之十過則五帝侍衛三
界稽首靈氣來輔無所不成痼疾垂死以氣
能行皆由道真長生自然營致神氣絕而得
生所以爾者學士感契大道常與生俱神合
洞真召制十方天光八身久視玉京默朝上
帝攝錄魔精運應華易生道日新七情六慾
永斷妄根五臟百體久視如鑑百神現形授
先要言與神同軌入侍帝軒輕誦此章身則
被殃供養尊禮門戶興隆世世昌熾與善因

緣萬災不干神明護門斯經尊妙獨步玉京
度人無量爲萬道之宗巍巍大梵德難可勝
道言凡誦是經十過諸天齊到檢定生名罔
墜元惡及有冥愆守道正心神來守身身得
長生後天永存凡不聞道喜怒日遷水火尅
伐金木相連不滋真水寧制炎光水升火降
道備登仙平則火降伏藏太淵怒則焚身四
極惡煙知長生道義入玄玄擲水沫珠火居
九泉交火鍊形金體永堅水火二用非聖不
傳中有真土名曰自然自然無知萬物以生

杳冥恍惚動靜無間天地三界從自然生自然爲土土能變遷皆從太空自然中生生則無盡與道齊年內見九宮無英白元黃老運神與兆精連知之長生大帝五篇雲章玉書攝氣舉仙世人受誦則延壽長年尸解得道形變升玄呼吸剛風乘駕六龍南和賜策青帝給童此經微妙普度無窮一切天人莫不受慶无量之福三界蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二

十四人營衛神文保護受經者身

道言正月長齋誦詠是經佩服太微玉符召
東華真公齋滿之炁下入身中以生木火之
氣長生久視後天無窮七月長齋誦詠是經
佩服九仙玄籙召西靈真母陽色之氣下入

黃一

六

身中以生金土之氣長生久視後天無窮十
月長齋誦詠是經佩服玉帝長生寶符召北
方三氣君葛賢之氣下入身中以生水木之
炁長生久視後天無終八節之日誦詠是經
佩服大君久視之章召中黃帝君務猶之炁

下入身中以生火土之氣命得長生神朝玉
真魂神澄正萬氣長存不經苦惱身有光明
三界侍衛五帝司迎萬神朝禮名書上天功
滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
項生圓象光暎十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人闢啓所言今日吉慶
長齋清堂修行至經无量度人願所啓上徹
徑御

無上三十二天黃一元始上帝至尊七几前早

引炁三十二過東向誦經

元始無量度人上品妙經


太微玉符



九仙玄籙



玉帝長生寶符



土命人制木氣尅賊令長生久視



金命人制火氣尅賊令長生久視

水命人制土氣尅賊令長生久視

黃一

木命人制金氣尅賊令長生久視


木命人制金氣尅賊令長生久視

火命人制水氣尅賊令長生久視

火命人制水氣尅賊令長生久視

大君久視之章

大君久視之章



右青書絳箔上火化之面東清水調服之

取長生日忌共一上制下尅九賊宜以開建日或

春甲寅夏丙午秋辛酉冬壬子大吉佩用

丹書青箔上服用丹書赤炁在齋九十日

佩服致神仙長生久視大驗書符密室勿

以語人

長生大帝君刻以丹金瓊鳳之簡封以玉
帝長生之章藏南和瓊明帝阿九洞寶室
之內劫盡一出以度緣骨宿名之士有此
玉文不知祕道爲尸解仙佩服忌厭穢犯
之考身

元始洞玄靈寶本章長生久視十回度人南
極隱韻離合自然浩虛眇玄恍惚精轉中變
化生无極諸天大梵妙氣祖劫綿綿玉霞結
山真明爲仙靈光煌煌絳阿碧巔上出九色
內列三便九室曲峙下流玄泉綠憲金樓神

靈寶度量上人妙品煙

風回煙太和攝錄雲書洞篇斑斑龍鱗落落
鳳紋宛轉流迹寶華委紛真元題象空無生
神神運無形氣貫如繩眇眇莽莽若亡若存
玄渾彌羅藥宮差我育嬰日池真粹潜施得
者長生勿失璇璣天珠浥液雲網八闕轉紫
成青三真檢飭視表徹裏遐照千億翠影九
還洞陽孕丹黃父赭帔守魂久視見之萬年
金鎖玉關神虎衛門真毋奏香香梵氣周
回十方中有度人不死之神中有南極長生
之君中有度世司馬大神中有好生韓君丈

人中有南上司命司錄延壽益算度厄尊神

長生久視無量度人今日校錄諸天臨軒

東方無極生氣神王長生大聖無量度人

南方無極生精神神王長生大聖無量度人

西方無極生液神王長生大聖無量度人

黃一

十

北方無極生道神王長生大聖無量度人

東北無極生化神王長生大聖無量度人

東南無極生質神王長生大聖無量度人

西南無極生識神王長生大聖無量度人

西北無極生妙神王長生大聖無量度人

上方無極生定神王長生大聖無量度人
下方無極生感神王長生大聖無量度人
十方至真長生久視神王長生度世無量大
神並乘四規八照之輿三氣九光之輦洞皇
稽縈之雲流霄浪霞之蓋雙虹之輪七絕之
節駭駕神虎紺鬃之龍前嘯金鶴齊唱後吹
玉律同音丹鳳青鸞嘯歌雍雍五老啓途羣
仙翼轅億乘萬騎浮空而來傾光回駕監真
度生諸天丞相南昌上宮韓司主錄監生大
神執符把籙齊到帝前隨所應度嚴校諸天

普告三界無極神鄉泉曲之府北都羅酆三
官九府十二河源分別種民簡記善功授道
真氣佩籙希玄身得長生久視永年心感生
德神入太玄紫童內觀真境現前洞徹無極
仙道自然坐知休否得天中天大劫不爽萬

第一

十一

氣洪源性合光空騁雲泝煙元始符命時刻
昇遷還嬰錄氣易形變仙適爾百齡有項億
千制魔保舉度品南宮玉符受鍊仙化成真
生身受度劫劫長存隨劫輪轉與天齊年永
度三塗五苦八難超凌三界逍遙上清上清

之大天帝王真無色之境梵行

東方八天

道遠殊明天

帝普斗元真

滄淵煥奕天

帝婁乾至多

德照清華天

帝建朱觀謨

昌祐極宗天

帝鈕俞詵喬

皓際預光天

帝寶丘銘

鍊度無欲天

帝覺杜容

晨光延祚天

帝玉堵阿憲

澄虛幽完天

帝九曲上英

南方八天

太微耀通天

太皇深華天

慶煙鳳真天

梵化炎虛天

露真應化天

超玄紫宸天

廣生妙神天

丹琳三華天

西方八天

帝苟常貽先

帝洞無冥施

帝敕禁魔源

帝嶸期祖強

帝映留度仙

帝仲康霞

帝麗光蘇

帝祐闔容音

靈寶度量上人妙經

晶真鼎貫天
延永轉飛天
素華慶壽天
浩蘭安平天
冲靈洞幽天
太玄鬱晨天
玉景明遠天
合景九微天
北方八天
韓司普監天

黃一

帝洪儀剛需
帝率輅登虛
帝月髻同渠
帝嶽汗騫敷
帝求常早寡
帝竇勤巴方
帝逸玄冲
帝斷注王
帝神驛召魔

十二

洞室曜靈天

帝越部南

太極玄都天

帝正治宗公

太寂玄清天

帝長生丕明

高虛梵寶天

帝鄒儲靖奇

龍浮羽葆天

帝宥單都孫

靈化抱淵天

帝柳玄夜鄉

樞光九華天

帝延祐百靈

三十二天三十二帝諸天隱諱諸天隱名天

中空洞自然靈童諸天隱韻南上之音南上

之尊南上之神南上大君南上之靈九和十

合延命億齡神瞳內徹久視惟明長生道在
變化上清無量之奧深不可詳敷落神真普
度天人今日欣慶受度歷關諸天請滅死道
續命長生飛度五戶入斗昇玄見無極渺
渺玉天瓊樓億壘金闕千門中有南極長生
大君戴寶披青御朱履玄執秉命黃一十三籌為兆添
年東斗度魂西斗制魄北斗鍊真南斗養神
中斗華蓋下蔭九元青帝護魂白帝侍魄赤
帝養炁黑帝通血黃帝中主萬神無越青天
元王玉文保真赤天元王丹符攝精白天元

王金籙命神黑天元王玄圖護身黃天元王
五老監真五天元王萬神之宗飛行鼓從總
領仙兵遊行太空長生玉冊天帝檢封雲羅
錦帟萬舞鳴鍾碧堂突空繞九飛龍賜兆長
生規正方瞳坐察億程幽微密通授號拱璧
位爲真公兆臣造玄普掃不祥巨獸吐毒高
刀四張兵鋒前施真武持幡天狼擲火威劔
揚煙敢有干試拒遏上真鑿天前戮蒼舌後
刑黑天斬妖炎帝食精三官迅車北艷列部
不得容隱猛馬八征普告無窮萬神咸聽三

界五帝列言上清

太玄始分五老命神三元變化是為真身口
吐紫氣纏絡天根化開五符萬有成形符為
天根倏忽變真玉帝居室三景回明六合洞
房入玄出青瓊膏黃飴凝為赤城金臺萬重
碧嶽千層下沸混海洪波杳冥蒼龍九首火
帝七身蜿蜒百里噴烟閃睛日月為目氣如
奔雲甲錯黑頑護世保民負載魍魎是道真
形剛風石堅積陽為天天上天下無幽無冥
無形無影無極無窮溟滓大梵遼廓無光赤

明東昇元始育嬰至丙南陵朱光絳庭中有
大帝號長生君與天同生與天齊明鳳衣藻
裳青霞爲巾正坐洞宮保兆永存返照長樓
氣連玉京北斗覆已太一鋪精視極幽朗奄
見神文五篇八素神虎龜章元氣流演三十

第一

十四

二天輪轉無色周回十方旋翼歷軫迴度五
常三十五分總炁上元八景冥合氣入玄玄
玄中授籙賜兆長生一瞬易劫久視萬年太
皇大君上帝高真泛景流霄嘯詠洞經金光
旋激震響雲營圓曜攝氣八海洞清寶淵蔚

靈寶无量度人上品妙經

秀縹彩浮京干和萬合自然成真真中有神
長生大君無英公子白元尊神太一司命桃
康合延執符把籙保命生根上遊上清出入
華房八冥之內細微之中下鎮人身泥丸絳
宮中理五氣混合百神十轉迴靈萬炁齊仙
仙道貴生無量度人長與生俱視極杳冥上
開八門飛天法輪罪福禁戒宿命因緣普受
開度道化生身身得長生上聞諸天諸天之
上各有生門中有空洞謠歌之章諸仙靈篇
辭參高真

第一長生神仙南和真君飛空之音

我適飛與

遐造八荒

空洞生風

玉音遼遠

鳳軒崛起

環山復水

紫金作宮

蟠基六龍

內有大君

金姿玉容

儼坐紫雲

絳衣剪虹

下觀兆人

錄紀善功

冥與化通

長生無終

照覽十天

騁霧浮空

左扶金真

右扶玉童

詠此洞章

神昇九重

第二久視真妃瓊明玉符之章

靈寶无度量人上品妙經

明璣龍翹
香車華軫
時乘六溥
芝田霞嶺
書先生籍
宏視無影
梵氣回環
青帝凝魂
燕以瓊泉
晨風錦光

冠彼綠纈
南宮九門
金鸞玉袞
天官捧策
鬱清涵景
無極道君
玉符變形
朱芒蘊光
龍低虎昂

錦裾流雲
日惟月隄
夕眇龍山
神使列請
雙珠四規
虛真實名
生兆神氣
八威輝煌
賜兆祕訣

第三長生大帝君宮中太微神母歌曰

六星爛爛

對臨天剛

宮浮紫烟

玉暈昊蒼

帝君丹袍

瑤笏龍刀

三魂七魄

竟井魁魁

天嬰煒秀

灑泛雲濤

口吐赤文

光纏景霄

六真夫人

錦帳金韜

迅風朱陵

鳳背鸞腰

飲月咀日

碧霜琅膏

玄芝萬株

絳實殿桃

授以長生

久視遊遨

揖此晨暉

仙露飴醪

變骨爲玉英

歌此玄中豪

此三界之上瓊明天中飛空歌音音參洞章
誦之百遍名度南宮誦之千遍天帝保迎萬
遍道備飛昇太空過度三界位登仙公有聞
靈音仙王敬形敕制地祇侍衛送迎流火玉
眸自然入身身光如瞳洞照萬神長生神仙

美一

十六

道胎結嬰龍氣灌濯南極同盟親拜黃老口
受神文是謂無量普度無窮有祕上天文諸
天共所崇祀慢墮地獄禍及七祖翁

道言此二章並是長生大帝君及長生神王
隱祕之音皆是大梵之言非世上常辭言無

韻麗皆是長生久視永存大法隱秘其章故
謂玄奧難可尋詳上天所實祕於玄都紫微
上宮依玄科四萬劫一傳若有至人齋金寶
傾心依舊格告盟十天然後而付焉

道言夫天地運度亦有否終日月五星亦有
虧盈至聖神人亦有休否末學之夫亦有疾
傷欲延生續命過度運會皆當祈叩長生大
帝君南極神王則命注玉檢名刊金格免過
三塗超濟八難凡有此災同氣皆當齋心修
齋六時行香十遍轉經福德立降消諸不祥

無量之文普度無窮

道言夫學長生久視大法心契自然玄默懷
道與造化冥一誠通玉清而世患縈縻緣賞
未際或運當易骨五臟更生或神棲九宮鍊
華脫化或末學道淺仙品未充運應滅度身

與一

十七

經太陰雖長生久視大法未備見身功缺而
心洞無有神已長生骨肉未鍊臨過之時同
學至人爲其行香誦經十過以度生名如法
徑上南宮賜以生道隨其學功計日而得更
生轉輪不惑便得神仙

道言夫長生久視之法其禁至重或守心自然玄契妙道或從師請法能致久生或陰營衆德功及羣靈天官列言得以永世或神觀內洞徹見道根俯視二儀遐窺往劫近若旦夜宿命因緣善功業債如觀尋尺與造化爲徒出生入死運用由已延日爲劫促劫爲日千春爲朝萬劫爲夜長生久視卷舒在意則非學道修誦所能或天稟特異氣質不凡如天有神仙地有松栢人有耆艾皆靈成自然聞道而得聞道而生不原於教理別得天真

卓挺於世者也至若天地運終三辰失次四
時不調國境生災兵劫不息疫毒流行師友
命過亦當修齋行香誦詠此經夫齋戒誦經
功德甚重上消天災保鎮帝王下禳毒害以
度兆民生死受賴其福難勝故曰無量普度

天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人尅得為聖君金
闕之臣諸天記人功過毫分無失天中真王

亦保舉爾身得道者乃當洞明至言也
諸天中天大梵隱語無量音 道君撰
長生大帝君靈書玉篇

東方八天

明柯遜淳

靜微樂惇

幾研菟基

純精香紛

韜秘幽諱

交渾冶崙

氣徹內返

神嬰自存

職熾嶼嶂

偶銜丕容

吟亢潛納

寶粹溫通

屈流地海

頂蓮繪同

玉露延和

仙鍊輔沖

南方八天

玻回霞液

凝降崑樓

玄黃滋化

曲窠漕濛

奎室虛光

三宸皎昌

青白英元

黃真火堂

罔照東華

飲淪絜張

扶思舉龍

軫車控翔

熒庚摘壇

玄井護昆

網射激明

靈魔渾然

西方八天

庭雲鬱披

鉞瓊感機

左池汨鳴

結英懼尸

灌引天淵

復運太微

眇私山玄
恍命薰怡
陰斗弼軀
異爽挾和
赤章綠典
道廓應施
合就匪緒
忽辨意衡
象胚先元
化華甦宣

北方八天

與一

十九

獄艷都首
影酪魂醜
馥味音姦
籍官統祆
龍委瀆谷
米聿輪媵
此受宏出
洞真和玖
騰功衛子
壽願煒觀
呼徵大殺
韓司詔候
移超隱峯
默彰離邁
無號幙研

碧空浮遠

道言此諸天中大梵隱語無量之音舊文九
炁丈人染赤彪之獸流丹之液題書長生大
帝君南明之殿青環之壁空中出字皆廣長
一丈金氣鏤縷采明以紫寔丹入玄玄又入
丹丹玄起煙鬱勃上元題寫佩服誦習相傳
最上妙訣慎勿妄宣天真皇人昔書其文以
爲正音有知其音能齋而誦之者諸天皆遣
飛天神王下觀其身書其功勤上奏諸天萬
神朝禮地祇侍門大勳魔王保舉上仙道備

尅得遊行三界昇入金門此音無所不辟無
所不禳無所不度無所不成天真自然之音
也故誦之致飛天下觀上帝遙唱萬神朝禮
三界侍軒羣袂束首鬼精自亡琳琅振響十
方肅清河海靜默山嶽吞煙萬靈振伏招集
羣仙天無氛穢地無袂塵冥慧洞清大量玄
玄也

元始無量度人上品妙經卷之三十一